



Headline : Deleum terima tawaran langgan saham RM23.1 juta
Media : Berita Harian / Ekonomi
Day/Date : 7 January 2013
Page : 5
Links :

Deleum accept offer subscribe stock RM23.1 million

Deleum terima tawaran langgan saham RM23.1j

Deleum Bhd menerima tawaran untuk melanggan 55 peratus saham baru dalam NSE Resources Corp (M) Sdn Bhd bagi tidak lebih daripada RM23.1 juta.

Ia berkata pengumuman berikutnya akan dibuat selaras dengan syarat penyenaian pasaran utama Bursa Malaysia Sekuriti selepas semua terma dan syarat dimuktamadkan.

"Satu perjanjian langganan muktamad bagi saham itu akan dilaksanakan," kata syarikat tersebut dalam kenyataan kepada Bursa Malaysia.

Ia berkata cadangan langganan itu akan menyediakan pintu masuk bagi Deleum Group untuk meneroka ke dalam industri tenaga boleh diperbaharui.

"Dipercayai bahawa cadangan langganan itu akan disinergikan dengan perniagaan penjanaan kuasa perindustrian sedia ada dan menyediakan arus pendapatan tambahan bagi kumpulan," kata syarikat itu.

Pemulihan ekonomi global

Indeks Harga Pengguna (IHP) Malaysia, antara kayu ukur bagi inflasi, tidak dijangka berkembang melepasi paras kritikal yang mungkin menyebabkan kemerosotan dramatik penggunaan swasta tahun ini.

Malaysian Rating Corp Bhd (MARC) berkata, berikutan pemulihan ekonomi global yang perlahan dan pengembangan ekonomi Malaysia yang sederhana, tiada sebarang penyebab yang menarik untuk meramalkan pertumbuhan IHP lebih daripada 2.5 peratus tahun depan.

"Bagaimanapun, terdapat tekanan yang mungkin menolak IHP lebih tinggi daripada paras 2011," kata agensi penarafan itu dalam laporan "Tinjauan Masa Depan Ekonomi 2013: Mengekalkan Teras Domestik Dalam Ketidakpastian Global" baru-baru ini.